

**Universiteti i Prishtinës “Hasan Prishtina”**

**Fakulteti i Mjekësisë**

---



**UDHËZUES PËR HARTIMIN E PUNIMIT TË TEMËS SË  
DIPLOMËS PËR STUDIME THEMELORE**

---

**Prishtinë, Maj 2016**

## Përmbajtja

VËREJTJE TË PËRGJITHSHME .....	3
Përzgjedhja e temave dhe lloji i tyre .....	3
Dorëzimi dhe mbrojtja e Temës së Diplomës.....	4
UDHËZIMET TEKNIKE PËR HARTIMIN E PUNIMIT TË DIPLOMËS .....	4
ILUSTRIMET.....	5
SHKURTESAT .....	5
LIDHJA DHE KOPERTINAT .....	5
FAQET HYRËSE .....	6
STRUKTURA E PUNIMIT TË DIPLOMËS .....	7
INTEGRITETI AKADEMIK.....	7
Mbledhja e të dhënave.....	7
Plagjiarizmi .....	8
Literatura.....	8

## VËREJTJE TË PËRGJITHSHME

Temat e Diplomës duhet të propozohen nga të gjithë mësimmshënësist e Fakultetit të Mjekësisë. Çdo mësimmshënës duhet të propozoj deri në tetë tema për punimin e diplomës. Shefat e Katedrës duhet të paraqesin propozimin e Temave të Diplomës nga stafi akademik i katedrës përkatëse në fillim të çdo viti shkollor dhe sipas kërkesës së Menaxhmentit të Fakultetit të Mjekësisë edhe në periudha tjera.

Vlerësimin e temave të propozuara e bënë Komisioni për Studime Themelore. Duke u bazuar në këto sugjerime dhe vlerësimin e bërë, realizohet regjistrimi i temave për punim diplome të cilat publikohen në faqet e internetit të Fakultetit të Mjekësisë dhe në tabelat e shpalljeve të fakultetit dhe katedrave përkatëse. Bankën e temave të katedrës përkatëse e monitoron shefi i katedrës.

### Përzgjedhja e temave dhe lloji i tyre

Studentët nga programet e studimeve themelore (*të integruara dhe bachelor*) fillojnë procedurat për identifikimin e temës dhe mentorit potencial në vitin e fundit të studimeve. Kushti për përzgjedhjen e temës së diplomës është minus 3 provime nga viti i fundit i studimeve. Paraprakisht, studentët duhet të marrin vërtetimin për përmbushjen e këtij kushti nga Shërbimi i Studentëve. Studentët fillojnë procedurat e zyrtarizimit të temës vetëm pas përfundimit të provimit të fundit në kuadër të planprogramit të studimit përkatës.

Kohëzgjatja e përfundimit të temës së diplomës duhet të jetë jo më shumë se 3 muaj nga data e zyrtarizimit të temës. Në raste të caktuara kur studenti nuk ka arritur të përfundoj obligimet për përfundimin e temës për shkaqe shëndetësore ose shkaqe tjera të arsyeshme për të cilat pajtohen kandidati dhe mentorin, atëherë me një arsyetim në formë të shkruar mund të zgjatet edhe për një periudhë maksimale 3 muaj. Në rastet e udhëtimit jashtë vendit për kryerjen e komponenteve të caktuara të Temës së Diplomës, duhet të mirret leja paraprake nga Dekani i Fakultetit të Mjekësisë, para fillimit të punimeve rreth Temës së Diplomës.

Llojet e studimeve në kuadër të Temave të Diplomës mund të jenë:

- *hulumtimet kërkimore-shkencore*
- *rishikimet e literaturës*
- *studimet e rastit*

## Dorëzimi dhe mbrojtja e Temës së Diplomës

Punimi i përfunduar i diplomës duhet të dorëzohet në 3 kopje të lidhura tek Shërbimi i Studentëve ndërsa kopja elektronike e temës finale duhet të dorëzohet tek Koordinatori për Cilësi i Fakultetit të Mjekësisë.

Pas pëlqimit të mentorit për gadishmërinë e kandidatit për mbrojtjen e Temës së Diplomës, mbrojtja e temës duhet të bëhet brenda 1 jave pas përfundimit të procedurave përkatëse administrative tek Shërbimi i Studentëve.

Komisioni vlerësues i punimit të Temës së Diplomës përbëhet nga tre anëtarë (kryetari dhe dy anëtarë). Njëri nga anëtarët e komisionit është mentori i kandidatit. Kryetari i komisionit koordinon punën e komisionit dhe nuk duhet të jetë mentori i kandidatit. Anëtarët e tjerë të komisionit i propozon Shefi i Katedrës duke marrë parasysh fushën e aktivitetit shkencor-profesional të Profesorëve përkatës.

Teksti duhet të shkruhet në gjuhën standarde shqipe, në përputhje me rregullat gramatikore dhe drejtshkrimore. Përmbledhja e shkurtër e temës së diplomës (Rezymeja) duhet të jetë në gjuhën shqipe dhe atë angleze.

## UDHËZIMET TEKNIKE PËR HARTIMIN E PUNIMIT TË DIPLOMËS

Punimi duhet të ketë të paktën 15 dhe jo më shumë se 50 faqe, duke përfshirë referencat. Duhet të shkruhet në letër të bardhë A4 (210 x 297 mm).

### ***Konfigurimi:***

Radhori 1.5

Madhësia e shkronjave 12 pikë tipografike

Lloji i shkronjave (Times New Roman CE).

Frenimi (skaji) majtas 3.5 cm

Frenimi (skaji) lartë 2.5 cm

Frenimi (skaji) poshtë 2.5 cm

Frenimi (skaji) djathtas 2.5 cm

Numërohen të gjitha faqet duke filluar nga hyrja, kurse numri shkruhet poshtë, në mesin e faqes.

## ILUSTRIMET

Punimi mund të përfshijë dy lloje ilustrimesh dhe atë: tabela dhe figura (fotografitë, vizatimet, skemat, diagramet, histogramet, hartat, etj). Ilustrimet shënohen me numra arab me renditje sipas paraqitjes së tyre në punim dhe duke respektuar rregullar e referimit të literaturës (shih më poshtë specifikat e referencave). Ato vendosen krahas tekstit ku përshkruhen. Të gjitha figurat duhet të titullohen. Numrat dhe titujt e tabelave vendosen mbi tabelë ndërsa numrat dhe titujt e figurave vendosen nën figurë. Nëse ilustrimi nuk është kontribut origjinal i autorit është e nevojshme të specifikohet burimi (shih më poshtë specifikat e referencave).

## SHKURTESAT

Me rastin e futjes së parë të ndonjë shkurtese në punim fillimisht duhet të shkruhet emërtimi i plotë i konceptit, dhe pastaj shkurtesa, e cila futet në kllapa. Më poshtë në tekst mund të përdoret vetëm shkurtesa. Në titullin e punimit nuk mund të përdoren shkurtesa, përveç nëse kuptimi i tyre është përgjithësisht i njohur.

Është e nevojshme të specifikohen të gjitha kuptimet për të cilat në punim do të përdoren shkurtesa dhe përmbledhja e të gjitha shkurtesave të përdorura në tekst duhet të përmblihet në faqen e gjashtë siq është specifikuar më poshtë.

## LIDHJA DHE KOPERTINAT

Punimi i diplomës lidhet. Në shtyllën e lidhjes shtypet emri dhe mbiemri i autorit, viti i mbrojtjes dhe llogja e Universitetit të Prishtinës, Fakulteti i Mjekësisë, Dega përkatëse, emri i mentorit. Faqja e brendshme e kopertinave dhe faqja e parë e cila mbështet në kopertinë mbetet e pashkruar.

### **Kopertina e parë e punimit të lidhur dhe faqja e parë janë identike dhe duhet të përmbajnë:**

- Llogja e Universitetit të Prishtinës (pjesa e sipërme në qendër)
- Titulli i Universitetit të cilit i përket Fakulteti (pjesa e sipërme në qendër, Times New Roman 20, shkronja të mëdha)
- Emri i Fakultetit ku mbrohet punimi i diplomës (pjesa e sipërme në qendër, Times New Roman 18, shkronja të mëdha)

- Emrit i Degës përkatëse (pjesa e sipërme në qendër, Times New Roman 16, shkronja të mëdha)
- Titulli i punimit të diplomës (pjesa e mesme në qendër, Times New Roman 20, shkronja kapitale, bold)
- Emri dhe mbiemri i kandidatit, në pjesën e poshtme majtas (Times New Roman 14, shkronja të vogla)
- Emri dhe mbiemri i mentorit, në pjesën e poshtme djathtas (Times New Roman 14, shkronja të vogla)
- Vendi, muaji dhe viti i realizimit, pjesa e poshtme, mesi i faqes (Times New Roman 14, shkronja të vogla)
- Ngjyra e Kopertinës për studimet themelore duhet të jetë e kuqe (për studimet bachelor e gjelbërt).

## FAQET HYRËSE

**Faqja e parë është përmbajtësisht dhe teknikisht identike me kopertinën.**

**Faqja e dytë duhet të përmbajë informacionin e mëposhtëm:**

- Punimi është bërë në (institucioni, instituti, enti, klinika, etj).
- Mentori (emrin dhe mbiemri, titullin akademik, institucioni)
- Punimi përfshin: ....(numri)..... faqe; (numri).....Tabela;.....(numri)..... Figura

**Faqja e tretë** është deklarata e kandidatit në lidhje me vërtetësinë e punimit të diplomës. Një shembull i kësaj deklarate është si në vijim: *“Deklaroj se kjo Temë e Diplomës është punimi im origjinal. E gjithë literatura dhe burimet tjera që i kam shfrytëzuar gjatë punimit janë të listuara në referenca dhe plotësisht të cituara”*.

**Faqja e katërt** është fakultative dhe aty mund të shkruhet parathënia, dedikimi apo falënderimet.

Prologu duhet të përfshijë informata relevante për studimin, si emri dhe shenja e projektit në kuadër të të cilit është kryer hulumtimi.

**Faqja e pestë** është përmbajtja. Përmbajtja përmban listën e të gjithë kapitujve dhe nënkapitujve me faqet ku të njëjtit fillojnë. Faqet shënohen me numra arabë dhe kanë shenjën e faqes ku fillojnë. Përrjashtim bën shtojca e cila, nëse ka të tillë, shënohet në përmbajtje pas jetëshkrimit dhe nuk shënohet me numër arabë.

**Faqja e gjashtë** përmban listën e shenjave dhe shkurtesave.

*Faqet hyrëse (para abstraktit) shkruhen me numra romak dhe nuk numërohen në totalin e faqeve të punimit.*

## **STRUKTURA E PUNIMIT TË DIPLOMËS**

Konstrukt i punimit varet nga lloji i punimit. Varësisht nga natyra e punimit të Temës së Diplomës, rekomandohet që struktura e punimit të jetë si në vijim:

- 1. Abstrakti**
- 2. Hyrje**
- 3. Qëllimi i punimit**
- 4. Metodologjia (Subjektet dhe Metodot ose Materialet dhe Metodot)**
- 5. Rezultatet**
- 6. Diskutim**
- 7. Përfundimi**
- 8a. Rezyme**
- 8b. Summary**
- 9. Referencat**
- 10. CV e shkurtër e kandidatit**

## **INTEGRITETI AKADEMIK**

### **Mbledhja e të dhënave**

Në çdo hap të punimit të Temës së Diplomës, duhet të sigurohet mbrojtja e konfidencialitetit dhe ruajtja e anonimitetit të të dhënave personale të pjesëmarrësve të studimit. Mbledhja e të dhënave dhe informatave duhet të respektoj procedurat për mbrojtjen e të dhënave të pacientëve sipas kërkesave të SHSKUK.

Nëse në punim përfshihet pjesëmarrësi-subjekti, para fillimit të realizimit të punimit, duhet të sigurohet pëlqimi i Komitetit Etik. Gjithashtu është e domosdoshme të merret pëlqimi i pjesëmarrësit për ta realizuar punimin. Në rastet tjera të caktuara mentori duhet të shqyrtojë me kandidatin nevojën për aprovimin e mbledhjes së të dhënave nga Komisioni Etik i Fakultetit të Mjekësisë. Në këtë proces kandidati do të përkrahet nga ana e mentorit.

Vërtetësia e të dhënave të grumbulluara dhe materalit tjetër të përdorur për Temat e Diplomës është në përgjegjësi të kandidatit që punon Temën e Diplomës.

### Plagjjarizmi

Plagjjarizmi do të monitorohet me rreptësi gjatë gjithë procesit të punimit të Temës së Diplomës. Plagjiati ndodh kur puna ose prona e një studenti apo individi tjetër paraqitet si punë vetanake pa referim adekuat. Prandaj, Temat e Diplomës do t'i nënshtrohen detektimit për plagjjarizëm nga ana e mentorit të temës. Me rastin e dorëzimit të Temës së Diplomës, kandidati është i obliguar që të jep një deklaratë që adreson çështjen e plagjjarizmit.

### Literatura

Studentët gjatë shkrimit të Temës së Diplomës duhet respektuar standardet për citime dhe respektim të të drejtave autoriale .

**Referencat** ndodhen në fund të punimit të Temës së Diplomës dhe pasqyrojnë burimet që autori i ka përdorur gjatë përgatitjes së punimit. Referencat radhiten ashtu si janë paraqitur në tekst, sipas rregullave të International Committee of Medical Journal Editors (<http://www.icmje.org/>) (i njohur më parë si stili *Vancouver*). Shembuj specifikt të referencave mund të gjenden në: [www.nlm.nih.gov/bsd/uniform\\_requirements.html](http://www.nlm.nih.gov/bsd/uniform_requirements.html).

Revistat duhet të paraqiten me shkurtesat që përdoren në Index Medicus ([www.nlm.nih.gov](http://www.nlm.nih.gov)). Rregullat e citimit i merr çdo kandidat bashkë me udhëzimet për hartimin dhe përgatitjen e punimit të diplomës në Shërbimin e Studentëve.